

Число 9.

Ужгородъ, 1. сентября 1925.

Рочник V.

БІЛОРУССТВІК



Первое и единственное
дружественное подпріемство „СОЛ“

свѣчкарня и воскарня в Космоносах заложено и ведено духовенством и лицами, допоруче своє перворяднѣ выробы, церковнѣ свѣчки, каждого другу, восковъ, полвосковъ, крашенъ и луксусно здобенъ, якож и столнѣ свѣчки всього другу, мыло на праня и тоалетное, крим на обув, воск и крим на чищеня паркету. От духовенства купуеме пчолячій воск, отпадки из свѣчок, или вымѣняеме за свѣчки. Всому превелебному духовенству, сл. патронатным урядам, господарским дружествам, и всѣм католицким сполкам до ласкавої вѣдомости под геслом:

„СВОЙ К СВОЙОМУ“

JOSEF NEŠKUDLA
NOVÝ HRADEC KRÁLOVE Čs. R.

Посылае скоро за половину цѣну: Ризы,
стихары и всѣ потребнѣ одежи для гр. каѳ.
литургій, заставы, иконы од ак д. худож-
ников, чаши, олтарнѣ свѣчники, лустры,
кресты, одежи и проч. найдешевше.

— Коло новых обеднанях скоро задаръмо поправлю старѣ оденни.

Начинається миссійный рухъ въ цѣлой нашей епархіи. Въ нынѣшнихъ часахъ и не можеме представляти собѣ успѣшныхъ миссій безъ

вѣрооборонныхъ брошюрокъ.

Редакціѣ Благовѣстника и Душпастыря мають на складѣ такѣ добрѣ брошурки, что симъ путемъ горячо вручаеме во увагу всѣмъ священникамъ и вѣрникамъ.

1. М. Гелебанъ: Где глядати правду? 1 К. гел.
2. Ем. Бокшай: Наверненіе о. С.Дзубая шизм. епископа — „ 20 гел.
3. М. Режанюкъ: Якъ я вытврезився изъ шизм. блуду — „ 10 гел.
4. Забужный: Римскѣ отцы и вселенскѣ соборы .. — „ 40 гел.
5. „ Римскѣ отцы и ученіе восточн. отцовъ — „ 40 гел.

Можно ихъ заказати: Тип. „УНІО“ Ужгородъ, Корятов. пл. 10

Сѣ брошурки мають всѣ наши вѣрники перечитати!

О. ЕМИЛІЯНЪ БОКШАЙ

НАУКА О ВѢРѢ.

Для уживаня школьн. молодежи и подк.-руського народа.
Цѣна 12 Кч.

БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

АДРЕСА:

Редакції: Kapitulska ulica 10.

Администрації:

Užhorod, Duchnovičova č. 12.

ПРЕДПЛАТА:

на рок 10.— К
одно число 1.— К
За границю 20.— К
До Америки..... 1 Д.

ОБЯВЛЕНИЯ

принимаются по цѣнѣ
за 1 сторону .. 200 К
за 1/2 стороны .. 120 К
за 1/4 стороны.. 65 К

Рушилися противъ нась.

Подкарпатска Русь е днесъ полемъ завзятыхъ и лютыхъ бойовъ. Поднялися всякѣ темнѣ вороги противъ Христовоѣ вѣры и хотять еѣ знищити. Всѣ вороги мають сесю одну цѣль, але покрываются всякими побожными масками. Сесѣ вовки натягали на себе овечу кожу и облистивыми словами хватаютъ людей въ душевну пропасть.

Шизматикъ-фотіянъ положивъ на лице свое шкуру твердого „православія“, але подъ сею шкурю робить всякѣ беззаконія: ограбляе церкви, подпалюе людей, бреше передъ судомъ, насилие людей, отруюе колодязы, убивае худобу и т. д. въ имени святого „православія“.

Субетникъ (необрѣзаный) онъ топиться од побожности. Але если перечитаешь его книжки, найдешь тамъ всякѣ лайки, всякѣ паскуднѣ выразы, брехнѣ на намѣстника Христового и на слугъ Христовыхъ. Ихъ побожность есть лиш средством, чтобы тебе брате одорвали одъ Христовоѣ церкви и здѣлали изъ тебе повжида.

Комунисты обѣцяе тебѣ горы и долины, все что на семъ свѣтѣ е; але не дае ничъ. Тымъ больше возьме одъ тебе. Возьме одъ тебе *вѣру въ единого Бога!* „Бога не екаже“, а рай туй на земли маешь. Если не вѣруешь, укаже ти на Росію, где такій рай зробили, что міліоны гинуть одъ голоду. Они свою партію называютъ *партиєю худобныхъ*, бо где они запановали, тамъ збѣднѣвъ цѣлкомъ христіянскій народъ.

Зъ сими, а еще иншими ворогами воюе нашъ бѣдный христіянскій народъ, за свою прадѣдну вѣру. Борьба

кипить, вороги смѣлѣ, та же каждый русинъ, гр. католикъ має спѣшити на оборону своеї вѣры, чтобы сме досягли окончательну побѣду надъ ними.

Бо побѣда мае быти наша. Наша, бо мы боремся за правду, за святу рѣчъ, за Божое дѣло. И до того е у насъ и сила, что не легко вычерпати.

В борьбѣ на чолѣ видиме нашего Пресосв. Петра епископа. Онъ не шкодуе працѣ, труду, терпѣнія, чтобы побороти такъ много вороговъ Христової Церкви. Знами велика масса *народа* подкарпатскаго, котрѣ до тепер сполно одбивали всѣ напады непріятельскѣ, так, что схизматикам лиш туй там з террором и насильствіем удалось сѣсти на шию людей и ссати кровь русина. Зъ нами е *весь христіянський свѣтъ*, всѣ просвѣщенѣ народы, котрѣ здивованіемъ читають насильствія и беззаконія вороговъ христіянскої вѣры. Суть у насъ *люде*, котрѣ въ сихъ тяжкихъ бояхъ ведутъ народ на дорохъ разумної христіянскої политики; суть у насъ *новинки*, котрѣ смѣло и отверто голосята правду и указываютъ на темнѣ дѣла одступниковъ и еретиковъ.

Борьба е, але и муниції маєме, раны достанеме, але и даеме, терпиме, але в серддѣ носиме крѣпку надѣю будучої побѣды!

Зато, всѣ русины христіяне, котрѣ вѣрнѣ зостали сме до нашої отцевскѣ вѣры, держмeseя крѣпко въ бою! Въ бою за нашу вѣру, за нашѣ церкви, за нашѣ права. Воюйме честными оружіями, не брехнею, не насильствіемъ, але смѣло и одкрыто противъ вороговъ Бога и нашої души. Мы всѣ русины гр. кат. держѣмъ оденъ фронт, подперати оден другого, и тогда побѣда наша буде.

— Каймeseя, доки не поздно. Зайшла въ Мукачовѣ у склепъ одна „примушена“ православничка изъ Великихъ Лучокъ. И поклонилася красно по нашему:

— Слава Іисусу Христу!

Не такъ якъ другѣ кривославники:

— Дай Боже.

А на улипѣ ишли процессіѣ до монастыря. И такъ красно такъ мило спѣвали:

— О Marie, Мати Божа, молися за насъ.

И на судѣ не лиши насъ, якъ прийде тотъ часъ!

И тогда жона жалостно розплакалася.

Бо изъ Лучокъ уже не идутъ процессії краснѣ, великѣ. Якъ бывало давно. Бо многѣ изъ Лучанъ одступили од Прѣвѣ, Marie и отъ єї сына. Сталі фотіянами! (Сл. І. Г.)



Непомыльность Христової Церкви.

Не все можно держати вселенскихъ соборовъ; въ первыхъ трьохъ столѣтіяхъ се цѣлкомъ невозможно было, а свѣтска власть и въ будучности хоть коли може заборонити звѣздь списковъ на вселенскій соборъ (на пр. подчасъ все-свѣтноѣ войны). Зато Христосъ думаючи на се, заботився о томъ, чтобы его Церковь и въ такихъ случаяхъ не зостала безъ непомыльного форума. Кромѣ цѣлого учительского уряда подавъ Христосъ и св. Петру и его наслѣдникамъ даръ непомыльности, коли якъ верховнѣ учителѣ ехъ саѣдга для цѣлоѣ Церкви рѣшають въ дѣлѣ вѣры и моральности.

Ся правда опираєся на слѣдуючихъ словахъ Спасителя:

а) Христосъ пообѣцявъ Петрови, что онъ буде основою Церкви, черезъ что Церковь стане такою сильною, что и пекло не переможе еї. Сія твердость и сила основы, повинна указатися передовсѣмъ въ непоколебимости въ вѣрѣ. Якъ могутъ быти св. Петръ и его наслѣдники фундаментами вѣры, коли они сами въ ней помылятися могутъ? Св. Петро и его наслѣдники суть по приказу Христа головными пастырями. Если головнѣ пастырѣ могутъ помылиться въ вѣрѣ, тогды цѣлое стадо Христово заведуть въ заблудженіе!

б) Христосъ такъ говоривъ до св. Петра: „**Симоне, Симоне се сатана проситъ васъ, дабы ст҃алъ тако ишеницъ. Позже молиhsя о тебѣ да не осквдѣтъ кѣра твоја и ты нѣкогда ояржися, оутверди братію твою**“ (Лук. 22, 31). По словамъ Христовымъ св. Петро має потвердити братовъ своихъ въ вѣрѣ; но съ сею повинностю св. Петра связана и обязанность вѣринковъ согласовати вѣру свою съ вѣрою верховного пастыря. И такъ если св. Петро и его наслѣдники могли бы помылиться въ вѣрѣ, тогды всѣ вѣрники мали бы за ним ийти въ заблудженіе. А сего Христосъ не може допустити.

в) Сіе ученіе о непомыльности римского отца не есть новое. Римскѣ отцы въ первыхъ столѣтіяхъ сами осудили еретиковъ; восточнѣ отцы не разъ прибѣгали въ Важнѣйшихъ сомнѣніяхъ вѣры до римского престола. На соборахъ отцы часто безъ всякого совѣщанія принимали готовое рѣшеніе римскихъ отцовъ и восклицали: „Петро черезъ Льва вѣщавъ, анатема тому, кто не такъ вѣруе“ (Халкед. соборъ 451), або на VI-омъ всел. соборѣ (680): „Черезъ Агаѳона Петро говорить“ казали отцы собора. Словомъ такъ восточна, якъ и западна часть Христової Церкви держалися до словъ св. Иренея († 252) „Съ сею Церковію (т. е. римскою) про еѣ высшое первенство всѣ церкви мають быти согласнѣ. бо она всегда сохранила апостольское преданіе“ (Adv. haeg. III. 3). Подобно говорить и св. Августинъ: „Рѣшенія двохъ соборовъ посланы до апостольского престола; зводки пришовъ отвѣтъ; симъ дѣло докончено“ (Sermo 131, 10). Отъ того часу уживана пословица: *Roma locuta, causa finita.* Римъ повѣвъ—дѣло скончено.

На ватиканскомъ соборѣ р. 1870 только выголосили и точно опредѣлили смыслъ сего догмата, бо не было всѣмъ ясно коли и подъ якими условиями есть римскій отецъ непомыльный. Ватиканскій соборъ не запровадивъ ничего нового, если се новость, тогды всѣ соборы завели новости, бо каждое точное опредѣленіе вѣры въ свое время видиться новымъ.

Схизматики и протестанты люблять непомильность папы такъ толковати, якбы папа бывъ *безгрѣшный*. Се изъ каѳоликовъ никто не вѣруе. Каждый чоловѣкъ грѣшный, хиба Прѣчиста Дѣва была сохранена отъ всякого грѣха. И то не правда, что римскій отецъ есть непомыльный въ всѣхъ вопросахъ науки и т. д., бо его непомильность ограничена выключно на вопросы *вѣры и моральности* и то лишь тоглы, коли якъ *верховный учитель* чтось торжественно опредѣляє *обязательно для цѣлоти Церкви*.

Не нарѣкати, але просити.

Вороги спасенія нашего, старый душегубъ діяволь и его высланники ложнѣ пророки, хотять насть крещеныхъ одорвати одъ Іисуса Христа, кто есть „дорогою и житиемъ“ (Іо. 14, 6). Та знаютъ они добре, что якбы такъ показали тебѣ крещеному сразу свої вовчѣ зубы и сказали тебѣ явно, что имъ ходить о се, чтобы тебе одорвати одъ спасеносної лозы, Господа Іисуса, то ты бы прогнавъ ихъ гегъ далеко одъ себе. Длятого прикрываются спрятно овочою кожею и иншакъ до тебе добираются. Знана бо рѣчъ, что доки ты будешь держатися св. Матери, единої, соборної (каѳолическої), Христової Церкви, доти не зловлять тебе у сѣти свої. Бо св. Церковь Христова подає тебѣ науку Іисуса Христа, она очищує и освя-

чуе твою душу въ св. Тайнахъ, она черезъ вѣру и любовь
лучить тебе крѣпко зъ Божественнымъ Спасителемъ. Длятого
стараesя такій лжепророкъ одорвати тебе одъ твоeъ доброъ
матери, св. Христовоѣ Церкви. Але знаe онъ се добрe, что не
удасться ему его пекельное дѣло, доки ты будешь тримати зъ
Христовими священниками. Бо, якъ я вже тобѣ — брате и
сестро — писавъ, Божественный нашъ Спаситель такъ заря-
живъ и хоче, чтобы Его св. наука, Его Божа благодать и Его
спасеніе, приходили до нась черезъ руки священниковъ, кот-
рыхъ Іисусъ Христосъ ставить пастырями душъ нашихъ и
проводниками на дорозъ спасенія. Ты знаешъ се изъ св. Еван-
гелія, что Іисусъ Христосъ передавъ священникамъ власть го-
лосити Его науку, удѣляти св. Тайны, одпускати грѣхи, кончити
Службу Божу, раздавати св. Причастie и всьо иное словяни,
что односиться до спасенія нашоѣ души. Ось такъ видишъ
спасеніе наше лежить въ рукахъ Христовыхъ священниковъ.
Не розвивала бы ся наука Христова на земли, жерела Божоѣ
благодати высохли бы, устала бы безкровна Жертва, не було
бы кому ломити кайдановъ грѣха, якбы не стало на земли
Христовыхъ священниковъ. Людскѣ души марно пропадали бы
безъ священниковъ. Ци не такъ? Айно! Така установа Бога
и Спасителя нашего, Іисуса Христа! Щастливѣ тѣ люде, котрѣ
мають доброго, ревного священника! Они посѣдаютъ великий
даръ Божій, бо они певно жити будуть зъ Богомъ, въ ихъ душахъ
горѣти буде любовь Божа, они будуть поступати дорогою Бо-
жихъ заповѣдей, они певно осягнутъ вѣчное спасеніе.

Длятого вороги спасенія нашего всѣми силами нападаютъ
по всѣхъ усюдахъ на Христовыхъ священниковъ, бо знаютъ,
что якъ позбавлять одъ священниковъ, такъ одорвать нась
одъ св. Церкви и одъ самого Господа Іисуса, Спасителя нашего.
Се бо звѣдуюся одъ тебе, на кого то наибольше нападаютъ
тѣ лжепророки: схизматики, евангелики, суботники и инша
бѣда, якъ не на нашихъ руськихъ, греко-каѳолическихъ священ-
никовъ. Не одень необережный повѣривъ ихъ словамъ, одда-
лився одъ священника, а куда зайдовъ? Куда? Та самъ ви-
дишъ. До безбожности и безвѣрія! До подпаловъ, до ненависти,
до робленя кривды. Псшовъ на службу сатаны, а одступивъ одъ
Іисуса Христа, котрому въ св. Крещеню обѣцявъ служити и
вѣрити въ него. Ци не доходить до сего? Скажи! Ачей маешь
очи и видишъ, что у нась дѣся.

А чого то ажъ такъ далеко зайдло? Та изъ того, ви-
дишъ, что тѣ лжепророки зачали *варкотити* и *роптати* на
священниковъ, люде и собѣ почали одспѣвовати ту саму пе-
кельну пѣсоньку, почали одчуждоватися одъ своего душпастыря
и одъ своеѣ матери, св. Христовоѣ Церкви, стратили вѣру тай
покинули самого Господа Іисуса, а пристали до Христового
ворога — діявола. Сповнилося надъ ними слово Господнє:
„**Слышаший каeъ, мене слышаетъ: и Фметаийсѧ васъ, мене Фме-
таетсѧ: Фметаийсѧ же мене, Фметаетсѧ пославшагѡ ма**“.

(Лук. 10, 16). Зорвали изъ Христовыимъ священникомъ тай зорвали зъ Богомъ самымъ! Отже, солодкій брате и сестро, не дайся очаловати, не *ворчи*, не *роптай* на Христового священника, не позволи, обы и другъ въ твоей притомности накидалися на твоего душпастыря. Такое бо роптаніе, се пекельна пъсонька, яка въ рукахъ лжепророковъ стае удкою и стричкомъ на твою душу.

Та скаже дакто: „Але бо не всѣ священики добре!“

Уважай брате добре, что я тобѣ скажу на се. Не смѣшь забывать, что священниками поставивъ Іисусъ Христосъ тутъ на земли не ангеловъ небесныхъ, но немочныхъ, смертельныхъ, земныхъ людей. И тымъ людямъ немочнымъ передавъ Іисусъ Христосъ въ руки свою nauку и свою ласку. И черезъ тыхъ смертныхъ священниковъ мае идти до души нашоѣ Христово свѣтло и Христова благодать и Христово спасеніе. Сего не змѣнишь нѣ ты, нѣ я, нѣ никто на свѣтѣ, то задарь, бо така установа Іисуса Христа! Се першое.

Другое дѣло. Не забывай на пересторогу Господа Іисуса: „**Не сдѣть, абы и васъ не сдѣли, бо якимъ сдѣломъ сдѣните, такимъ и васъ сдѣнти буде, и якою мірою мірите, такою и вамъ буде**“. (Мт. 7, 1, 2). Се слова Господнѣ маешь заховати зглядомъ всѣхъ людей, отже и зглядомъ Христово священника, твоего душпастыря и духовного отца. „**Лице мѣре**“ — каже Господь Іисусъ до такихъ, что варчать — „**изми первое бѣрко изъ очесе твоегѡ: и тогда оузиши изѧти сѹчець изъ очесе брата твоегѡ**“. (Мт. 7, 5). А св. Апостоль Павло учить: „**Дрѹгъ дрѹга тяготы носите, и тако исполните законъ Христовъ**“. (Гал. 6, 2). Для своего духовного маешь тоже быти выбачливъмъ, вырозумѣлымъ и терпеливымъ!

По третье. Хотьбы священникъ самъ яко чоловѣкъ бывъ злымъ и грѣшнымъ и лукавымъ, то священникомъ онъ не перестає быти. И недобрый священникъ тебе звольяе изъ неволѣ сатана, коли въ св. Сповѣди промовить надъ тобою: „**Язъ тибѣ разрѣшаю...**“ И Служба Божа и кожда иниа св. Тайна, котру дѣйствує грѣшный священникъ, мае таку саму силу, якъ и та, котру кончить священникъ праведный. За грѣшное житя Господь Іисусъ справедливо осудить священника на своеимъ страшномъ судѣ, але Божа ласка и спасеніе тутъ на земли приходить до тебе только черезъ руки Христового священника! Ци розумѣешь се? Памятай же! Бо якъ изъ чистого жерела може плисти чистенька, здоровава вода не лишь черезъ рурку золоту, срѣбну, але и черезъ глиняну, деревляну, а навѣть и спорохнявѣлу, такъ и Божа благодать сплывае на нашу душу не лишь черезъ руки святого, справедного священника, але и черезъ недоброго, грѣшного. Не дивися отже на священника, якъ на самого чоловѣка, але позерай на него окомъ вѣры и дogleань въ немъ заступника и высланника самого Іисуса Христа, бо такимъ онъ поправдѣ есть! Розумно?

Четвертое. Не забывай, брате и о томъ, что Господь Богъ дае людямъ звичайно такого священника-душпаstryя, на якого собѣ люде заслужили. Если ты кажешь, что вашъ священникъ недобрый, то знакъ, что вы лѣпшого не достойнѣ. Коли отже *варчишь* на своего панотця, то самъ себе осужуешь и тымъ показуешь, что то за зѣльечко, та ваша громада, коли Господь за кару не дае доброго душпаstryя. Добрый, - ревный священникъ то великий даръ Божій для громады, се цѣнна благодать для твоєї души. О сесю благодать, о доброго душпаstryя христіяне повиннѣ часто и горячо просити Господа Бога. А скажи менѣ, брате и сестро, такъ щиро по правдѣ, сколько ты „Отченашов“ ци „Богородиць“ одкончивъ въ своеемъ житю, чтобы Господь Богъ тобѣ доброго священника давъ? Много ихъ было? Что? Может нѣ одного! Молишся за себе, за дѣти, за маржину, за погоду, за дождь, може и на гнѣвника взиваешь Божоѣ кари, якъ який поганинъ або нехристъ, а чтобы помолитися за священника, духовного своего отця, то сего у тебе не есть въ звичаю! Ци не такъ оно бывае меже людьми? Тай дивуешся, что у вашої громадѣ священникъ не добрый.

Отже, солодкій брате и сестро въ Христѣ, раджу тобѣ, якъ сердечный пріятель и прошу тебе, *перестань варчати* вразъ зъ высланиками сатана, лжепророками иа помазанниковъ Христовыхъ священниковъ, а зато *молися часто и сердечно*, чтобы милосердный Господь давъ тобѣ, твоей громадѣ, цѣлому нашему руському народови и всѣмъ христіянамъ добрыхъ, ревныхъ, святыхъ священниковъ, чтобы Божое царство якъ найкрасше розвивалося тутъ на земли, чтобы людскѣ душѣ, одкупленѣ найсв. Кровю Христовою, не пропадали, але осягали спасеніе. Словни розказъ Господа Іисуса: „**Молитса Господинъ жатви, іакѡ да изведетъ дѣлатели на жатвѣ свою**“. (Мт. 9, 38). Самъ Господь молився за священниковъ — апостоловъ цѣлу ночь, заки ихъ покликавъ на священниковъ, молився за нихъ, коли одходивъ изъ сего свѣта, коли просивъ Отця: „**Отче свѧтый, освѧти ихъ во истинѣ твоей**“. (Іо. 17, 17). Прото и ты не руйнуй Божого дѣла, но помогай ему розвиватися. *Не варчати отже, але молитися Богу за священниковъ!!!*

Блаженна Тerezia одъ маленького Іисуса.

Не давно случилося, что въ мѣстѣ Lisieux въ съверной Франціи померла одна молода дѣвица. Судячи по фотографіи, была она дуже красна дѣвица, але не така, котра бы своимъ лицемъ притяговала до себе свѣтъ. Ой нѣть. Та красота той дѣвицѣ была инакша. Въ сихъ дняхъ по Парижу на улицяхъ были выложенѣ плакаты, на котрыхъ было написано, что въ честь тої дѣвицѣ будуть будовати одну каплицю. Въ честь одної дѣвицѣ? Такъ, такъ. Въ честь одної дѣвицѣ, котрої имя:

Блаженна Терезія одь маленького Іисуса.

Та дѣвиця жила на семъ свѣтѣ лишень 25 лѣтъ. Черезъ цѣлое свое житя лишень то жадала и о то старалася, чтобы позостала подобна дѣтятку Іисусови, котрый для насъ народився въ Виѳлеемѣ... и свой молодыи вѣкъ перепровадивъ въ Назаретъ. Цѣлое еѣ житѣе было наслѣданье житя маленького Іисуса.

Въ пятнадцятомъ роцѣ ступила до монастыря сестерь Кармелитанокъ. Еѣ жаданье было: чтобы всегда осталася дѣтиною чистої души, красного сердца, повного любви до маленького Іисуса.

Одъ природы была дуже интелигентна. Черезъ цѣлое житѣе дуже много училася и хотѣла много и много научитися. Училася не задля людскої славы. Она хотѣла межи монастырскими мурами спѣвати пѣснѣ любови до Господа Бога цѣлымъ сердцемъ, цѣлою душою, всѣми силами.

Далеко одъ свѣта она въ малолѣтахъ окончила свое великое житѣе.

Гарна и красна: свою красоту жертвовала Іисусу Христу; Артистка: она свой талантъ посвятила Іисусу Христу;

Поетка: она своими пѣснями прославила имя Господне.

И чуйте, дѣвчата руського народа! О той дѣвицѣ днесъ есть вже написано майже на всѣхъ языкахъ европейскихъ 15 илюстрованихъ книгъ.

Сію дѣвицю днесъ знає цѣла Франція и еѣ имя вже перейшло черезъ границѣ всѣхъ державъ не лишенъ въ Европѣ, але и по другихъ краяхъ свѣта.

Она, котра могла, як панночка лишитися на свѣтѣ и осталася, и были бы ею познавали лишень люде того селаabo мѣсточка, а днесъ ею славить цѣлый свѣтъ. А для чого! Чого великого зробила та модода дѣвиця? Якій артистъ въ 25. роцѣ своего житя бывъ знакомый на цѣломъ свѣтѣ? Где есть тайна еї славы?

„Любовь“, пише она, памятаючи на 15. рокъ свосго житя, „зайшла до моего сердця и она жадала одъ мене, чтобы я забывала непрестанно на себе. И отъ сего часу я осталася счастливою“.

Слова Христа Господа: „Царство Божое есть для дѣтей и для тыхъ, котрѣ дѣтямъ подобны“, были фундаментомъ цѣлого еї духовногого житя.

Еї надѣя на Іисуса Христа была такъ сильна, что она говорила: „Идѣтъ за мною по моєи узкої дражки, она певна. Я не заблуджуся идучи тою дорогою“.

И она обѣцала: „Я буду спровадити мое житѣе въ небѣ творячи добрѣ на земли. Коли помру, зашлю дождь одъ ружей“, дождь добродѣтелей.

И она то робить. Сто и сто и тысяча душъ прибѣгає до тої святої дѣвицѣ въ небѣ о помочь. А она „сыпле изъ неба дождь ружей“. Она есть днесъ добродѣтелькою цѣлого свѣта.

Ци то не красно! А котра бы идеальна дѣвиця не хотѣла сего?

Ой вы панночки и дѣвчата, котрѣ може знаете такъ красно спѣвати, грати и танцювати, и котрѣ любите, если люде васть величаютъ и славлять, ци бы вы не хотѣли пойти дорогою малоѣ Терезьки? Не думайте у собѣ, чтобы была шкода вашої молодости, вашоѣ красоты. Тереза была и молода и дуже красна.

О якъ мило служити Іисусу Христу, цѣлымъ сердцемъ любити Іисуса Христа! О якъ то красно быти невиннымъ, чистымъ, обручинцомъ Агнця Невинного и цѣлое житье, цѣлу вѣчность спѣвати пѣснь Іисусу, царю вѣковъ!

Іисусъ тихо промовляє до сердця невинныхъ душъ. Слухайте той голосъ Божій. И если васть Іисусъ зове, идѣть за Іисусомъ и служѣть ему у чистотѣ черезъ всѣ днѣ житя своего.

Рускій народъ днесъ потребує святыхъ особъ: святыхъ сестеръ, святыхъ монаховъ, святыхъ священниковъ, святыхъ фамилій.

Вы выбранѣ дѣвчата руского народа укажьте дорогу другимъ и идѣть за Іисусомъ убогимъ, якъ убогы, за Іисусомъ послушнымъ, якъ послушнѣ, за Іисусомъ святымъ, якъ святѣ!

ДОПИСИ.

Листъ изъ Америки.

Пишу Вамъ зъ Канады (Америка) и поздоровлю Васъ всѣхъ. Не знаю ци правда, что писавъ сюда мой братъ Василь, что в сей зимѣ перебрали розбойники шизматики) 34 церкви, тай право имъ присудило и нашу церковь и что всѣ церкви имъ судять. (Остатня брехня. Ред.). Пише и то, что Михайлъ Кураторюкъ попомъ е и что многѣ ладяться попами кацапскими. Та дѣло уже дойшло до тоѣ мѣры, что треба намъ выступати, противъ нихъ остро и узяти церкви назадъ одъ нихъ силою, якъ они беруть розбояномъ. Бо, что бы Вы на то казали, если бы я зайдовъ до вашоѣ хижы и Васъ выгнавъ бы на поле и въ Вашомъ маєтку я газдовав? Мы туй въ свободной Америцѣ се терпеливо уже не можеме позирати и первого марта наразъ 12. сто людей присяглися (побожилися) и зорганизовалисмеся, нашѣ права, нашу гр. каѳ. вѣру и нашѣ церкви до поспѣдиюѣ каплѣ крови защищати.

Туй бывъ у насъ и о. Ст. Дзубай бывшій епископъ шизматицкій и я ся сповѣдавъ зъ нимъ и потомъ поговоривъ зъ нимъ за ту вѣру шизматицку. А онъ сказавъ, что хотѣвъ ихъ навернути на добру дорогу, але скоро увидѣвъ, что задарь буде зъ ними голову сушити собѣ, бо они уже на только здичѣли, что имъ уже ніякого попа не треба. Такъ ихъ доучили шизматицкѣ батюшки! Казавъ и то, что шизматики всягды соединили календарь зъ папишами.

Тай я дуже чекаю Благовѣстникъ айбо я его ѿцне не доставъ! Зашлѣть ихъ менѣ всѣ числа одколи появилося най-перше число, бо я ихъ туй дуже потребую и я за нихъ заплачу.

Зъ Богомъ святымъ жийте на многая и благая лѣта и най Богъ святий Вамъ поможе и Пресвятз Дѣва и най наверне до св. Матери Церкви всѣхъ блудныхъ сыновъ.

Іванъ Гангуръ

Hardicville Pa. Alta Kanada.

Отвѣтъ.

Слава Іисусу Христу!

Слава и на вѣки. Аминь.

Дорогій и милый Иване!

1. Дуже радуюся, что тобѣ такъ полюбився Благовѣстникъ. Ся газета уже и до теперъ не малѣ заслуги мае, что отворилися очѣ подкарпатскимъ русинамъ и видять куда ихъ завелъ пооплаченѣ шизматицкѣ агитаторы. Не шкодуй грошей предплатити на ню и збирай предплатниковъ и зшивай всѣ числа бо въ ней находится история гоненія Христовоѣ Церкви. Въ ней найдуть твоѣ сыны и внуки нашѣ страданія за правдиву вѣру и та содержує въ собѣ великій стыдъ и ганьбу для шизматиковъ гонителей Христової вѣры.

2. Братъ ти Василь ажъ писавъ, что 34 церкви перебрали сеѣ зими, и что нашу церковь имъ право присудило и всѣ имъ судить, то *ложь, неправда и брехня*. А ты не знаешьъ, что ихъ первое апостольское средство розширеня вѣры то брехня и клевета? Позвѣдайся сколько ему уже стоить шизма? А у Чумальовъ теперъ така бѣда, что выметали священика! Чотыри вожды лишь за правнѣ кошты мають платити чось 30.000 и выше 100.000 коронъ за отшкодованя. На сѣ грошѣ уже и лицитация была. а чось уже и заплатили а за другимися одпросили на якійсь часъ. Теперъ вожды хотѣли бы затерхати ото на село. А люде кажуть что селу поп не заважавъ, лишь вождам, котрѣ зъ новоѣ вѣры хотѣли быти панами и дяками, та най теперъ видять, что за панство треба добре заплатити! Такъ, такъ, кто лакомився на шизму, та най зазвѣдуе Копашново, Чумальово и т. д. что шизма коштує!

3. Звѣдаешь ци посвященій на батюха Михайлъ Курагорюкъ! Та правда, что покропили го, айбо може и самъ не знає на якого. Ци на фотіяна, ци на гусита. Лишь то знаєме, что за еретика. А что, якій онъ батюхъ, та то звѣдуй од Кениза, бо у нього бывъ за *кочіша*; а теперъ не знає го где помѣщовати бо уже много кочішовъ натягли на себе реверенду и махаютъ кадильницею.

4. Церкви всягде намъ судять. И не давно закликали передниковъ шизматиковъ до Густа и казали имъ чтобы церковь и маєтки передали подъ 8 днями честно. Кенизови уже и квартиру глядали чтобы могъ где бывати якъ вымечутъ его. Стати-

роста давъ выбубновати, что кто осмѣливъ бы ся противо стояти жандарамъ, той застрѣленый буде. Бохтеръ Кенизъ и въ церкви жаловався, что мусять церковь передати. Но потомъ все утихло. Бо журатъ dr. Негман зловъ застановивъ цѣлу справу; знаешь сего чоловѣка, кто такъ красно знае обѣцяти, а не подержити? И знаешь и того другого доктора Бескидъ Александра „нашого“ церковного референта, бывъ ты не разъ у него и коли зъ чолоўкомъ гозорить та не подивиться въ очѣ лишь у землю (якъ грѣшники звыкли). И окремъ сихъ маеме еще много тихихъ кусачовъ и вороговъ нашоѣ вѣры, котрѣ хотѣли бы черезъ шизму укрѣпiti свою да и *какъ* и свою настоящую русскость. И про сихъ паничовъ не иде наше дѣло навпередъ. Будь спокойный доти овошъ на деревѣ висить, доки не достигне. Одѣ коли маеме нового епископа та, якъ бы уже и власть лѣпше подержовала законы, лишь поеднѣ урядовѣ особы шкодяты намъ.

5. Копачанскѣ греко-католики не сидять, але працують и трудяться неутомимо за своѣ права. Але и фотяне не сплять, и они утверждаютъ свою „славну“ вѣру. И то дуже Богуугодными учинками. У Гантуръ Ивана у Глодѣ зимуку и хлѣвъ перевернули валовицями, саны порубали ему, зробили шкоду на 1.000 Кѣ, что оцѣнили самѣ жандары, чтось такое зробили и брату му Юрови, а у Ивана и у селѣ выбили вызоры, вагъ колодязъовый убалили и поламали и колодязъ обласкудили. У Бошка Петра Иляниного больше разъ выбили облоки, на улицѣ возъ зъ сѣномъ звернули Иванъ Форкавцю чижмарови, Иванови Ляхучиному выбили облоки и дверѣ на хижѣ рубали въ ночи, у Ивана Маріїнцового больше разъ выбили облоки, и сокирою рубали дверѣ, а до хижи наметали на оденъ возъ камѣня и такъ перепудили того нѣкому не винного старого чоловѣка, что тяжко похвортѣвся. Теперь и не можу ти списати все, что туй дѣяся въ имени „святого и твердого православія.“

Та такъ у насъ дѣло стоить. Шизматики беззаконіями розширяютъ свою вѣру и еще надѣются, что Богъ имъ поможе.

Жий спокойно и не бойся, Богъ не лишить насъ. **М. Гелебанъ.**

Нова книга. На дняхъ выйшла изъ печати одна цѣнна книга, якоѣ потребу чувствовалисьме давно: *Історія Церкви Христовой* написанна для середныхъ и горожанскихъ школъ, але зъ великимъ хосномъ може еѣ уживати и нашъ народъ, особливо въ сихъ тяжкихъ часахъ, бо найде въ ней отвѣтъ на всѣ тѣ вопросы историчнѣ, якѣ такъ занимаютъ теперь нашъ народъ. Коло сего можно еѣ уживати и для преподавашя въ народныхъ школахъ.

Книга содержуетъ въ собѣ 100 сторонъ и еѣ цѣна 14 Кч. Най тамъ буде въ рукахъ кождого Церкви любячого чоловѣка, она много причиниться к укрѣплению сеѧ любви. Можно еѣ заказати у книгопечатни „Уніо“ въ Ужгородѣ, и у самого автора: о. Димитрія Поповича въ Хустѣ (Derž. ref. realnegymnasium).

Б Е С І Д А.

Вдячность.

Въ суботу вечеръ. Роботникамъ выплатили тыждневу платню.

Роботники якъ выйшли изъ роботнѣ, наповнили гостиницю. Говорять, курятъ, пютъ... промарнують гроши, что такъ тяжко чекаютъ дома жона и дѣти.

На конди прайде роботникъ Иванъ. Якъ его увидяты, почнуть кричати:

— Гей Иване, плати одну фляшку! А другъ:

— Пой до насъ, выпьешь стаканъ вина.

Але Иванъ каже:

— Дякую товаришъ!

— Не сядешъ?

— Днесъ нѣтъ!

— Хворый есъ?

— Хвала Богу нѣтъ... але где е корчмаръка?

Заразъ повстає крикъ:

— Корчмаръко, корчмаръко!

Прибѣгне, червена якъ пулька.

Нашъ роботникъ звертаєся до неї и каже:

— Прошу токайское вино!

— Токайское? Ты удурѣвъ?

— Маєме — каже корчмарка — ка 30, 40 и 50 коронъ.

— Та принесѣть за 50 коронъ.

Доки корчмаръка ходила за виномъ, всѣ кличуть Ивана до свого стола:

— Пой до насъ... сѣдай коло насъ.

Всѣ хотѣли бы, чтобы до нихъ сѣвъ Иванъ и чтобы покушали токайское вино за 50 коронъ. Корчмаръка же не довга вѣрнулася и принесла зъ собою фляшку, и положила на столъ:

— Туй е.

Роботникъ вийме гроши и выплатить. Корчмаръка звѣдує:

— Вытягнути?

— Нѣтъ, возьму зъ собою.

Роботникъ скоро задѣє подъ реклисъ фляшку и заразъ выйде. А роботники кажуть:

— Дома хоче пити. На то має право!

А въ корчмѣ дале продовжуються голоснѣ бесѣды, крики, лайки а госѣ алкоголемъ запамороченѣ сидять въ корчмѣ, доки не приходить рано и зъ нимъ свята недѣля Божа.

*

Иванъ пришовъ дому. Жона утимила, что фляшку має подъ рекликомъ. И каже:

- Что тамъ маешь?
— Чось доброго.
— Что?
— Токайское вино.
— Ты фиглюешь.
— За 50 коронъ; и не менше и не больше.
Захмурился лицо жоны.
— Ты нерозумный, марнотратникъ... думаешь, что я
тому радоватися буду!?
— То не для тебе.
— Та ты самъ хочешь его выпити?
И хотѣла розсердитися. Але мужъ каже:
— То вино ни для тебе, ни для мене, але для одного
хворого чоловѣка.
— Тадь у насъ не е хворого.
— Але инде есть.
— Кто? где!
— Днесъ емъ ся дознавъ, же панъ отецъ має гектiku;
и знаю, что для такихъ хвoryхъ ничъ не поможе такъ, якъ
токайское вино... я купивъ для нашего духовника и за-
жену му.
Жона заразъ змѣнила выразъ лица.
— Се уже красно! За се уже и я тя хвалю Иване.
И оба пригадали собѣ небогу, хвору Анцю... той доб-
рый священникъ колько разъ пришовъ до неѣ. Анцка днесъ
уже здорова, але си еще все не забыли тѣ страшнѣ години,
в которыхъ познали золотое сердце священника.
— Твоя лумка прекрасна, я дуже радуюся. Потомъ каже:
— Треба бы еще дачто послати... иду и куплю мало
цукру.

Подъ симъ часомъ Иванъ взявъ папѣрі, чорнило и
перо и почавъ писати:

Пане Превелебный!

Дознавшися о вашої хвортѣ, посилаю вамъ сей малый
дарунокъ. Вѣруйте, что ничо на свѣтѣ не поможе вашої
хвортѣ, якъ се вино. Хочу симъ одячити за вашу доброту,
что указали моей хвойой дѣвчинѣ.

Желаю вамъ, чтобы чимъ скорше выздоровѣли и могли
дале працовать для душевного блага вашихъ вѣрниковъ.

Иванъ Ковачъ.

Запечатавъ листъ и коли жона вернулася зъ цукромъ,
попловъ на фару, чтобы передати свой дарунокъ.

*

Небогій, хворый священникъ прочитавъ карточку, что
ему передала служниця. И цѣлу ноч на то думавъ.

Та мала писанина только много говорила, такъ утѣ-
шала его. Тѣ добре люде на него думаютъ... споминаютъ
его службу... на его нации до хвoryхъ въ день и въ ночи.

Е се красnymъ знакомъ благодатноѣ працѣ духовника меже роботниками, котрѣ такъ выставленъ всякимъ безбожникамъ...

Божа благодать супроводжае мою душпастырьску роботу.
Хворый зрадовався:

— Безъ сеѧ хворогы и не думавъ бы бывъ ємъ, что такъ люблять мене мої вѣрники.

Pierre Mané.

Новости

— Преосвященный епископъ Цетро въ послѣдніхъ часахъ продовжавъ свою миссійну подорожъ меже вѣрниками. На праздникъ пророка Іліи пошовъ до Густ-Боронявы на отпустъ, где приняли его зъ велиkimъ одушевленіемъ. Преосвященный Владыка державъ бесѣду къ вѣрникамъ и сповѣдавъ ихъ прилежно. На архіерейской службѣ одбывалося торжественное принятіе двохъ вождовъ схизматиковъ, котрѣ сокрушеннымъ сердцемъ вернулися въ лоно Христовоѣ Церкви,

Мѣсяця августа нащививъ епискоопъ нижну околицу Ужгородскоѣ жупы и то села: Іоврѣ, Паладь, Селменцъ, Галочъ и т. д. И всягды бывъ привитанъ великою славностію не только одѣ греко-каѳоликовъ, але и одѣ кальвинистовъ.

На Святу Марію пришовъ Преосвященный на Мукачѣвскій отпустъ. Тамъ было згромаждено около 10.000 людей изъ всѣхъ сторонъ Подк. Руси. Вкадыку привитали священники, въ дверяхъ монастыря. Въ церкви Преосвященный промовили до своихъ вѣрниковъ и въ прекрасной бесѣдѣ напоминавъ ихъ на вытревалость въ вѣрѣ. Преосвященный потомъ ажъ до поздноѣ ночи сповѣдавъ паломниковъ. На архіерейской Службѣ о. Решетило державъ рѣчъ, котру вѣрники довго не забудуть. Сей славный бесѣдникъ громкимъ голосомъ варовавъ вѣрниковъ одѣ нынѣшнихъ ложныхъ пророковъ, котрѣ якъ дурнѣ грибы разможилися на Подк. Руси. Епло вручивъ слухачамъ читати Благовѣстникъ и ишѣ добрѣ христіянскѣ книжки и газеты.

На отпустѣ было раздавано много чиселъ Благовѣстника и 2.000 екземплярівъ изъ книжки Гелебана: „Где глядати правду?“ На отпустѣ было много схизматиковъ, котрѣ могли убѣдитися, что якъ крѣпко держиться народъ до вѣры своихъ отцовъ. (Друга часть фотіяновъ пошла до Изы на „ярмарокъ“.)

Въ Мукачовскомъ монастырѣ перебывавъ подъ часть отпуста др. Вашиця профессоръ изъ Оломоуца.

Рахово, дня 16. VIII. 1925.

Якъ комедіяшъ ставъ батюшкою.

(не казка, але правда.)

Написавъ: Николай Мисикъ, (Rachovo.)

Не давно я бывъ въ селѣ Билинъ и тамъ мы громадою косили у одного пана. Тамъ были и роботники изъ Билина. И они оповѣдали за одного москаля, который звался Николай Криеръ. Онъ ходивъ до Ясъня на лѣсову работу. Але ся робота ему не подобалася, та купивъ себѣ електричну комедію: Кино и носивъ зъ села на село и збираю грошъ. Коли его довго не было въ Билинѣ, сынъ его пошовъ глядати. Пришовъ и до Ясъня, где тогды схизматики пановали. Думає себѣ хлопецъ, пойду и подивлюся, яка то схизматика одираша. Зайшовъ до церкви и напудився и разомъ и зрадовався. *Бо при престолѣ увидѣвъ свого отца, бывшаго комедіяша въ ризахъ.*

Кто бы изъ читательовъ не хотѣвъ повѣрити, то его дѣло; а кто бы хотѣвъ знати, най пойде въ Билинъ и дознається, о правдѣ и еще о многихъ іншихъ дѣлахъ, что не можъ у такой новинцѣ написати.

(Дальше буде.)

— У Салдобошѣ ради-
кально передавъ журатъ цер-
ковъ греко-каѳоликамъ. Коли
Опаленикъ не хотѣвъ выйти
зъ фары, жандары го вы-
несли и всѣ его рѣчи поно-
сili на чиненикъ. Греко-
каѳолики пишуть, что якъ
веселѣ были карапы, коли
старого намѣстника выне-
сли зъ фары, та такъ теперь
зпустили носъ. Теперь схи-
зматики подъ голымъ не-
бомъ учинили престоль; заби-
ли четыри колы и тамъ
ся молять. Высвѣдчилося,
что схизматики изъ церкви
вынесли 16 книгъ и покрали
и іншѣ рѣчи. Начальникъ
окружный подавъ ихъ на
судъ. Такъ ото буде и инде.

— Уже и они насыти-
лися. Батюшки даже гнѣ-
ваються на нашу новинку,
бо мы смѣло указуеме на
ихъ некультурность, на ихъ
темноту и на ихъ беззакон-
ну дѣяльность. Може и уже

нашимъ читателямъ надо-
ѣло только читати о нихъ.
Але что мы истинну правду
писали, то доказалося въ ны-
нѣшнѣхъ дняхъ. Вѣдомости
маеме о томъ, что сербское
правительство протестовало
у министра Бенеша, про-
тивъ Савватія, что всякихъ
пройдисвѣтовъ посвячує на
священниковъ безъ всякої
науки богословскої. Та туй
маєте, любѣ схизматики!
Уже и схизматицѣ сербы
не годнѣ зносити, якихъ вы
„душпастырьовъ“ маєте. Та
где бы не пікодовали мы
васъ?!

— Что коштує шизма въ
Бедевлѣ? Бедевельскѣ схи-
зматики страшно жалують,
что далися збаламутити прой-
дисвѣтами. По довгомъ че-
каню греко-каѳолики одно-
жъ достали назадъ свою
церковь, церковнѣ землѣ и
все, что схизматики забрали
и украли. Дня 14-го юнія

выйшовъ окружный начальникъ, отворивъ церковь и передавъ еѣ греко-каѳоликамъ. Але се еще не все. Колько то имъ грошей коштовало! Якъ доносять намъ, одень тамошній чоловѣкъ Иванъ Тивадаръ Бѣлый пришовъ зъ Америки, мавъ великѣ грошѣ; собѣ ничъ не купивъ, грошѣ шизма з’ѣла, а еще сидѣвъ два мѣсяцѣ. А еще сидять по два мѣсяцѣ дазъ пятеро и много ихъ достало меныше кары. И то не за вѣру, але за беззаконія. И теперь иде, что имъ наибольше болить. На ихъ маєтки затабеловано близко 100.000 кѣ. за правнѣ кошты, за причиненѣ шкоды греко-каѳоликамъ и за церковнѣ землѣ, что за *три роки хосновали*. Ой такъ то честнѣ люде! Шизма на Подк. Руси дорога забава. Такъ будуть платити всягды и въ Лучкахъ, въ Руськом, въ Червеньовѣ и и пр. где дали себе люде збаламутити батюхами. Русинъ платить и тѣ, котрѣ на его шию привели бѣду, хижу собѣ купуютъ! Часъ опамятатися.

— **Уважати!** Агитаторы декотрих партій іншими не годнѣ маслаговати нашихъ вѣрниковъ, якъ тою, что па-

скудно кричать на нашихъ священниковъ. На ихъ даремныхъ усилияхъ народъ уже лишь смѣяся Але се еще не доста. Треба мати только смѣлости у нашихъ людей и заткати пысокъ такимъ панчукамъ, чтобы не мали дальше дяки брехати и обклеветати нашихъ духовниковъ. Ачай еще не вымерла жива вѣра у русиновъ?!

— **Батюхи якъ прсповѣдуютъ?** Вѣ Драговѣ разбили церковь и украли чашу, много церковныхъ одѣжъ, и книгъ. Пише намъ одень селянинъ: „То мали робити одступники, бо ихъ батюхи учать, что свое можеме взяти и въ ночи и не маеме грѣха святокрадства“.

— **На увагу всѣмъ „примущенымъ“.** Всѣмъ тымъ, котрѣ подъ терроромъ батюшокъ записалися до схизматиковъ, даме на знаня, что на основѣ законовъ мають право и повинность пойти до окружного начальника (совѣтировъ) и письменно, або устно заявити, что выступлять изъ схизматицкої вѣры. Не бойтесь ничъ од бывшихъ кондашовъ! Се ваша христіянска повинность!

ЗАВГУРА.

Кто неходить въ Божу школу.

Едного пана загнавъ урядъ на народне свято до церкви.

Панъ, котрый хиба малымъ зъ мамкою своею ходивъ бывъ до Церкви (а то уже давно было), прійшовъ, коли правѣ ставъ священикъ Евангеліе читати. Люди сидячѣ, всѣ стали. А панъ думавъ, что то ему ся кланяютъ, скоро обернувшись до людей и у кождый бокъ подяковавъ за почестунокъ и рукою махнувъ, чтобы собѣ уже сѣли.

А люде, якъ Евангеліе докончивъ священикъ, тогды и сѣли. Послухали пана.

ПЕРЕПИСКИ РЕДАКЦІѢ.

А. З. Луково. У короткій часъ почнеме друковати ва шу статю: Поясненіе шизматицкоѣ вѣры.


И. Гелебанъ. На жаль, не можу вамъ оту газету за слати, котра такъ напудилася одъ Вас. Я въ тыхъ часахъ не бывъ в Ужгородѣ. Вы лиш свое робѣть!!

Шизматицка Ложь здаєся перестала. Якъ зновъ выйде, зновъ достане одъ нась отвѣтъ.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:
ЕМИЛІЯН БОКШАЙ.

СУКНА И МОДНѢ МАТЕРИЯЛЫ,



панскѣ и дамскѣ униформовѣ, тепихы, церковнѣ сукна, готовѣ реверенды, стихары и одежи продаются ся найтунше по мустрѣ, котрѣ посылаеме на жаданя.

Выробы сукон **HEZINA A SPOL** Нимполес
Повѣреный диферант Церковного Товариства про Реп. Чсл.

!! СВОЙ ДО СВОГО !!

„АКОРДЪ“

Перша руська фабрика звоновъ въ Ужгородѣ.

Найлѣпшѣ звоны править перша руська ліярня звоновъ „АКОРДЪ“. Капиталь создали сами напи люде. Она заряджена по найновѣйшой техницѣ и ведена перворядными фаховцями Мѣстности фабрики находяться коло желѣзнодорожної станціи въ Ужгородѣ. Тамъ постоинно выставленѣ образцевѣ звоны.

Найлѣпшій благородный метал.
Спеціальна марка „Акордъ“ „A“ и „C“
звоны, 10-рочна гарантія.



Замовленя просиме адрессовати:

„АКОРДЪ“, ліярня звоновъ въ Ужгородѣ.

КАНЦЕЛЛАРІЯ: Ужгородъ, Капитульна улиця 11.

— Замовленя можъ передати и въ Подкарпатскомъ Банку. —

!—! Купуй товары только у своего !—!

Книгопечатное Акц. Товариство „УНІО“

Телефонъ: 95 въ УЖГОРОДЪ. Телефонъ: 95
площа КОРЯТОВИЧА ч. 10.

поручаетъ всяkimъ потребамъ соотвѣтно заосмотренну, съ буквами церковнославянскими, гражданскими, русскими, ческими, угорскими, греческими и еврейскими, богато пристроенну свою

Книгопечатню,

котра принимаетъ для друкованя всякъ литературнъ сочиненія, учебники, молитвенники, пѣснѣ отпустнѣ, газеты, далѣе таблицѣ, траурнѣ и визитнѣ билеты, всякъ друксорты.

Сіи роботы сготовляеть скоро, добре и дешево.

Въ собственномъ домѣ маєтъ богато заосмотрену Книгарню,

котра продаетъ всякого рода книги, головно церковнѣ и школьнѣ, печатнѣ листы, выписки изъ метрикъ и проч.; для учителей всякъ учебники и руководства, записнѣ книгъ на принятіе и успѣхъ учениковъ, а также аспиднѣ доски, линіи, карандаши, тенту, папърь, пера и проч., и въ котрои есть единственный складъ на Подкарп. Руси изданій церковныхъ Львовскаго Ставропигійскаго Института. Евангелія, Служебники, Требники, Ирмологіоны, Тріоди, Октоихи и проч. только черезъ нашу книгарню можно достати.

Поручаетъ далѣе свою и днешнимъ потребамъ соотвѣтно заосмотренну

переплетню,

котра принимаетъ всякѣ роботы, входячѣ въ кругъ переплетничего искусства; и сіи сготовать въ красномъ и мокномъ выробѣ за дешеву цѣну. Старѣ Евангелія, Служебники и всѣ книги церковнѣ, а также и учебнѣ принимаются для обновленія.

Корреспонденція провадится:

на русскомъ, ческомъ и мадьярскомъ языку.

Расчеты и цѣнники бесплатно засылаеме!